

【经文信息】大正藏第 16 册 No. 0681

## 大乘密严经 3 卷

[卷上](#)    [卷中](#)    [卷下](#)

### 目录

[密严会品第一](#)

[大乘密严经妙身生品第二之一 妙身生品第二之余](#)

[大乘密严经胎生品第三](#)

[大乘密严经显示自作品第四](#)

[大乘密严经分别观行品第五](#)

[大乘密严经阿赖耶建立品第六](#)

[目识境界品第七](#)

[大乘密严经阿赖耶微密品第八](#)

No. 681 [No. 682]

## 大乘密严经卷上

唐天竺三藏地婆诃罗奉 制译

### 密严会品第一

如是我闻。一时佛住出过欲色无想于一切法自在无碍。神足力通密严之国。非诸外道二乘行处。与诸邻极修观行者。十亿佛土微尘数菩萨摩诃萨俱。皆超三界心意识境。智意生身转于所依。成就如幻首楞严法云三昧。处离诸有莲花之宫。为无量佛手亲灌顶。其名曰摧异论菩萨。大慧菩萨。如实见菩萨。持进菩萨。解脱月菩萨。观自在菩萨。得大势菩萨。神通王菩萨。文殊师利菩萨。金刚藏菩萨。如是等菩萨摩诃萨而为上首。尔时如来应正等

觉。从自证智境现法乐住神通辩才现众色像三昧而起。出虹电光妙庄严殿。与诸菩萨入于无垢月藏殿中。升密严场师子之座。诸菩萨众亦皆随坐。众坐已定。于时世尊四方周顾。从眉间出清净光明名髻珠庄严。有无量光周匝交映。成光明网。是光明网流照之时。一切佛土庄严之相。分明显现如一佛土。余诸佛土严饰细妙同于微尘。密严佛土超诸佛国。无有日月及诸星宿。如无为性不同微尘。此密严中诸佛菩萨。并余国土来此会者。皆如涅槃虚空及非择灭。

尔时世尊。现诸国土及佛菩萨胜功德已。复以佛眼遍视十方诸菩萨众。谓如实见菩萨言。如实见。今此国土名为密严。是中菩萨从色无色无想之处。以三昧力生智慧火。焚烧色爱及以无明。转所依止而得智定。意生之身神足力通以为严饰。无穷隙无骨体。如日月虹电紫金明珠颇梨珊瑚珂利多罗占波迦孔雀花月镜中之像。住于诸地净有漏因三昧自在。十究竟愿及以回向。获殊妙身而来住此。

尔时如实见菩萨在大众中。即从座起偏袒右肩右膝着地。曲躬合掌白佛言。世尊。我于今者欲有所问。惟愿如来哀许为说。佛告之言。善哉善哉恣汝所问。常为开演。时如实见即白佛言。世尊。唯此佛土出过欲色无色无想众生界耶。佛言。善男子。上方去此过百亿佛国。有梵音佛土。娑罗树王佛土。星宿王佛土。过如是国复有无量百千国土。广博殊丽种种庄严。彼中诸佛咸为菩萨说现法乐住内证智境离诸分别真如实际大涅槃界究竟之法。是故当知此佛土外。有如是等无量佛国。如实见。非唯汝今于佛国土菩萨众会心生疑怪请问如来。此有菩萨名曰持进。曾于佛所生疑怪心。便以神通升于上方。过百千亿乃至如恒河沙诸佛世界。不能一见如来之顶。心生希有念佛菩萨不可思议。还娑婆世界舍卫城中。至于我所悔谢已过。叹佛无边犹如虚空。住内证境来密严国。

尔时会中金刚藏菩萨摩诃萨。善能演说诸地之相。微妙决定尽其源底。从座而起偏袒右肩右膝着地。曲躬合掌白佛言。世尊。我于如来应正觉所欲问少法。愿佛慈哀为我宣示。

佛言金刚藏。汝于我所欲有所问。如来应正等觉。当顺汝心为汝开演。

尔时金刚藏菩萨摩诃萨蒙佛许已。即白佛言。世尊。佛菩提者是何句义。所觉是何请说。第一义境示法性。佛除去来今在行地者。色相之见及取着外论。行分别境起微尘胜。性自在时方虚空。我意根境和合。如是诸见复有计

着。无明爱业眼色与明。是时复有触及作意。如是等法而为因缘等无间缘所缘缘增上缘。和合生识虚妄忆度。起有无等种种言论。此法之中复有诸人于蕴众生堕空性见。为断如是妄分别觉。唯愿世尊。说离五种识所知相。能于诸法最自在者。佛大菩提所觉知义。令得闻者知其了悟。所知五种而成正觉。尔时佛告金刚藏菩萨摩诃萨言。善哉善哉。金刚藏。十地自在超分别境。有大聪慧能欲显示。法性佛种最上瑜祇。非惟汝今于佛菩提所觉之义生希有念请问于我。有贤幻等无量菩萨。咸于此义生希有心。种种思惟而求佛体。如来者是何句义。为色是如来耶。异色是如来乎。如是于蕴界处诸行之中。内外循求不见如来。皆是所作灭坏法故。以智定意审谛观察。乃至分析至于微尘。皆悉不见蕴麤鄙故。如来者常法身故。善哉佛子。汝能善入甚深法界。谛听谛听善思念之。当为汝说。金刚藏菩萨摩诃萨。唯然受教佛言。善男子。金刚三昧藏胜自在者。如来非蕴亦不异蕴。非依蕴非不依蕴。非生非灭非智非所知非根非境。何以故。蕴界处诸根境等皆麤鄙故。不应住内不应住外而见如来。善男子。色无觉知无有思虑。生已必灭同于草木瓦石之类。微尘集成如水聚沫。受以二法和合而生。犹如浮泡瓶衣等。想亦二和合因缘所生。如热时焰。譬如盛热地气蒸涌。照以日光如水波浪。诸鸟兽等为渴所逼。远而见之生真水解。想亦如是。无有体性虚妄不实。分别智者如有性见各别体相名字可得。定者审观。犹如兔角石女儿等。但有假名初无实义。如梦中色唯想妄见寤即非有。无明梦中见男女等种种之色。成于正觉即无所见。譬如芭蕉皮叶既除中无有实。行亦如是。离于身境即无体性。识如幻事虚伪不实。譬如幻师。若幻师弟子。以草木等物。幻作于人及诸象马种种形体具足庄严。愚幻贪求非明智者。识亦如是。依余而住而异分别。谓能所取二种而生。若自了知即皆转灭。是故无体同于幻事。

金刚藏。如来常住恒不变易。是修念佛观行之境名如来藏。犹如虚空不可坏灭。名涅槃界亦名法界。过现未来诸佛世尊。皆随顺此而宣说故。如来出世不出世间此性常在。名法住性亦名法尼夜摩性。金刚藏。云何名为尼夜摩。后有诸恶此皆离故。又此三昧。能决定除后有诸恶。以如是义名尼夜摩。若有住此三昧之者。于诸众生心无顾恋。证于实际及以涅槃。犹如热铁投清冷水故。诸菩萨舍而不证近住而已。常为众生而作利益。不舍精进大悲诸度。不断佛种。不行外道二乘之径。如大力象。不为三昧淤泥所溺。心不昧着识之境界。趣佛法门恒无退转。以究竟慧入佛法身。开显如来广大威德。当成正觉转妙法轮。智境众色而为资用。入如来定游涅槃境。渐次修行超第八地。善巧积习乃至法云资用如来广大威德。住于诸佛内证之地。与无功用三昧相应。遍游十方不动本处。而恒依止密严佛国转于所依。智定意身力通自

在皆得具足。譬如空月影遍众水。佛亦如是。化形普降于诸世间。随众生心所乐不同。皆使蒙益无空见者。复令当诣密严佛国。如其性欲而渐开诱。为说一切欲界天王自在菩萨摩尼宫等诸安乐处。乃至诸地次第十方佛土功德庄严。尽于未来随机应现。如因持呪安缮那药及诸灵仙宫殿之神。与人同止而不可见。如来变化所为事毕住于真身晦而不现。亦复如是。尔时世尊而说偈言。

根蕴如蛇聚	境界缘所触
痴爱业以生	众习缚难解
心及诸心法	动虑恒不安
觉观所缠绕	如龙共盘结
瞋毒从此兴	譬如炎盛火
诸修观行者	为舍众蕴法
于此常谛观	一心而不懈
譬如虚空中	无树而有影
风衢与鸟迹	此见悉为难
能造及所造	色与非色法
于彼见如来	其难亦如是
真如实际等	及诸佛体性
内证之所行	超诸语言境
涅槃名为佛	佛亦名涅槃
离诸分别想	云何而可见
碎末于金矿	矿中不见金
智者巧融炼	真金方乃显
分割于诸色	乃至为微尘
及析求诸蕴	若一若异性
佛体不可见	亦非无有佛
定者观如来	三十二相具
若乐等众事	施作皆明显
是故不应说	如来定是无
三昧一缘佛	善因善根佛
一切世胜佛	及正等觉佛
如是五种佛	所余皆变化
三十二胜相	如来藏具有
是故佛非无	定者能观见

出过于三界  
如来微妙刹  
禅慧互相资  
游于密严土  
密严中之人  
超过刹那坏  
世尊有大定  
相好诸功德  
众谓佛化身  
佛常密严住  
住真而正受  
如月在虚空  
如摩尼众影  
如来住正定  
譬如形与像  
如是胜丈夫  
非微尘胜性  
亦非余缘等  
如来以因性  
随世之所应  
游戏于三昧  
山川及林野  
众星与日月  
如是诸世间  
复置于掌内  
佛于定自在  
无能作世间  
盲暗无知者  
计着于有无  
或言一切坏  
如是诸人等  
云何于此中  
佛是遍三界  
观世如干城

无量诸佛国  
净佛子充满  
以成坚固性  
思惟佛威德  
一切同于佛  
恒游三昧中  
湛然而正受  
内外以庄严  
从于兜率降  
像现从其国  
随缘众像生  
影鉴于诸水  
色合而明现  
现影亦复然  
非一亦非异  
成于诸事业  
非时非自在  
而作于世间  
庄严其果体  
种种皆明现  
内外无不为  
朋友诸眷属  
皎境而垂象  
身中尽包纳  
散掷如芥子  
牟尼最胜尊  
唯佛之所化  
驰流妄分别  
若我及非我  
或言少分灭  
常自害其身  
而生是诸见  
观行之大师  
所作众事业

亦如梦中色  
因于种种业  
佛于方便中  
譬如工巧匠  
亦如海船师  
如来最微妙  
超诸有着根  
是修行定者  
一切观行人  
佛体最清净  
远离于限量  
妙智相应心  
知相皆无性  
破诸相应心  
住于无染路  
诸天干闼婆  
仙人及外道  
于彼不耽求  
以住本清净  
天人等见者  
佛非彼此现  
住于圆应道  
异学各不同  
种种众智法  
悉是诸如来  
国王王臣等  
所有诸仪则  
十方众宝藏  
悉是天中天  
一切三界中  
种种方便业  
现从兜率降  
歌舞共欢娱  
或如坚利智

渴兽所求水  
风绳而进退  
自在知见者  
善守于机发  
执掯而摇动  
寂静无有边  
净根之所证  
微妙定所依  
明了心中住  
非有亦非无  
及以能所觉  
最上之境界  
是即见如来  
不着于三昧  
一切皆无染  
阿修紧那罗  
赞叹而供养  
而兴世间业  
相应妙理中  
变化之所作  
而同于日月  
现除诸贡高  
随宜而摄御  
王论三毘陀  
定力持而说  
乃至山林处  
皆从佛出生  
出生清净宝  
自在威神故  
有诸明智者  
因佛而成就  
婬女众围绕  
日夜常游集  
舍陵波居士

执世之直绳  
虽于一切处  
而在密严中  
此大牟尼境  
譬如瞽目人  
如世观于幻  
天中天境界  
如是观行人  
那罗与伊舍  
难陀鸠摩罗  
处定而思审  
去来现在世  
习气覆于心  
善哉金刚藏  
复以佛威神  
是汝之境界  
或有妄分别  
如工作诸物  
生唯是法生  
妄计一切物  
因能了于果  
先不得其相  
非于过去中  
未来亦如是  
一一诸缘内  
不见性有无  
于蕴瓶衣等  
三百有六十  
往来生死中

与夺而招放  
现为明智者  
寂然无动作  
凡愚异分别  
亦犹众渴兽  
梦中诸所取  
佛子见其真  
如从于睡觉  
梵天娑旦那  
劫比首迦等  
于此常迷惑  
一切诸牟尼  
亦所不能见  
普行诸地中  
而居密严土  
我今为汝说  
胜性与微尘  
种种诸形相  
灭亦唯法灭  
细尘能造作  
譬如灯照物  
后坏亦复然  
有体而可得  
离缘无有性  
遍求无有体  
亦无无有见  
微细而分别  
邪宗坏正道  
无有涅槃法

## 大乘密严经妙身生品第二之一

尔时如实见菩萨。有大威力世中自在。其身妙好上服庄严。在于佛前避座而立。曲躬合掌一心恭敬。向金刚藏菩萨摩诃萨而作是言。尊者。善能通达自智之境现法乐住。于三乘世间心得无违。为大定师于定自在。能随顺说诸地

之相。常在一切佛国土中。为诸上首演深妙法。是故我今劝请尊者。说诸圣人不随他行。现法乐住内证之境。令我及余诸菩萨众得见斯法。安乐修行趣于佛地。获意生身及言说身。力通自在皆得具足。转所依止不住实际。如众彩摩尼现诸色像。于一切佛国说密严行。金刚藏菩萨摩诃萨言。善哉仁主。能请我说入于密严无我之法。仁主。先应觉了诸分别境。是心之相于境界中舍诸分别。仁主。一切世间是分别见见世间体。即于所缘而得三昧。我今为汝开示彼法王。应善听。即说偈言。

一切诸世间	譬如热时焰
以诸不实相	无而妄分别
觉因所觉生	所觉依能现
离一则无二	譬如光共影
无心亦无境	量及所量事
但依于一心	如是而分别
能知所知法	唯知心妄计
若了所知无	能知即非有
心为法自性	及人之所浊
入于八地中	而彼得清净
九地行禅定	十地大开觉
法水灌其顶	而成世所尊
法身无有尽	是佛之境界
究竟如虚空	心识亦如是
无尽亦无坏	众德以庄严
恒住不思议	密严诸佛土
譬如瓶破已	瓦因而显现
瓦破显于尘	尘析极微显
如是因有漏	而成无漏法
如火烧尽木	复于余处然
味于不动智	转依离分别
密严佛国中	如是而常现
不生众品类	莫住于世间
舍于一切见	归依此无我
断诸相续流	无生亦无坏
尽于一切见	归依此无我
诸患皆已息	寂住不思议

净于一切见  
世间种种法  
非由击坏无  
如火焚薪已  
观察于三界  
是名现法乐  
依此入诸地  
舍离世所依  
其心转清净

归依此无我  
本来无我性  
及喻之所显  
自于是中灭  
无我智亦然  
圣人自智境  
净除无始恶  
出世而安住  
恒居密严土

尔时如实见菩萨及诸王众俱作是言。金刚自在我等今者咸欲归依。愿示于我归依之处。于是金刚藏菩萨摩诃萨。以偈答曰。

佛体非是有  
蕴树已焚烧  
住于如来地  
所觉净无垢  
远离诸分别  
密严诸定者  
密严胜净刹  
观行者充满

亦非无有佛  
魔军咸退殄  
密严之妙国  
仁主可归依  
证于无处所  
仁主可归依  
众圣之依处  
应归此严土

尔时金刚藏菩萨摩诃萨说是语已。复告如实见菩萨言。仁主。已得住地。诸观行者观一切世间。如缥像中而有高下。如梦所见端正女色。如石女人忽梦己身诞育于子。如干闼婆城内诸所施为。如旋火成轮。如空中垂发。如幻化所作人马等形树林花果。如浮云之影。如奔电之光。皆是虚伪非真实有。分别所成犹工造器。仁主。世间众生习气覆心生种种戏论。意与意识及余诸识。相续而转五法三性。二种无我恒共相应。譬如瀑流为风所击起诸波浪。浪起相寻而流不息。阿赖耶识在于世间亦复如是。无始习气犹如瀑流。为境界风之所飘动。起诸识浪恒无断绝。仁主。是八种心虽无如是若干体异。而随缘渐起或一时生。心生之时取诸境界。亦有如是渐顿差别。若于屋宅及诸星宿。军众山林枝叶花果如是等处。多是一时或次第取。若在眠梦见昔所更。或想念初生至于老死。及算数众物寻思句义。观异文彩受好饮食。于是境界次第了知。或有一时顿取之者。仁主。心性本净不可思议。是诸如来微妙之藏如金在矿。意从心生余六亦然。如是多种于世法中而为差别。仁主。

阿赖耶识。虽与能熏及诸心法。乃至一切染净种子。而同止住性恒明洁。如来种姓应知亦然。定不定别体常清淨。如海常住波潮转移。阿赖耶识亦复如是。诸地渐修下中上别。舍诸杂染而得明现。于是金刚藏菩萨摩诃萨。复说偈言。

善哉如实慧  
从我已听闻  
十方一切国  
汝当随所应  
若人闻法已  
或作人中王  
或复为帝释  
乃至自在宫  
或为色界主  
无想众生中  
证真而不住  
众定皆自在  
一心求密严  
至于密严已  
转依获安乐  
无量诸佛子  
为法自在王  
非如外道说  
坏应同有为  
十业上中下  
最上生密严  
得解脱智慧  
云何说涅槃  
涅槃若灭坏  
众生若有终  
应有非生法  
无有非众生  
众生界既尽  
是则无能觉  
妄计解脱者

于斯微妙法  
心净能开了  
诸王众会中  
广为其宣说  
渐净阿赖耶  
转轮四天下  
兜率须夜摩  
而为欲天主  
及生无色天  
受诸禅定乐  
譬如师子吼  
喜乐以相应  
不染着三界  
渐次而开觉  
寂静常安住  
围绕以庄严  
众中之最上  
坏灭为涅槃  
死有复生过  
三乘以出生  
诸地转增进  
如来微妙身  
是灭坏之法  
众生有终尽  
是亦有初际  
而始作众生  
而生众生界  
佛无尔焰法  
亦无有涅槃  
而说于解脱

譬如种已焦  
彼说解脱性  
于解脱妙乐  
遍处及诸禅  
逆顺而入出于  
彼不退还  
审知诸法相  
如是而庄严  
若言解脱性  
斯人住诸有  
亦坏三和合  
眼色内外缘  
世间内外法  
如是等众义  
若知唯识现  
分别不现前  
是时攀缘离  
舍于世间中  
转依离龕重  
十种意生身  
作三界之主  
色心及心法  
内外众世间  
如是诸智者  
相名与分别  
定者能明照  
入佛所赞扬  
若坏三和合  
不固于自宗  
恶习分别者  
譬喻不成立  
五种悉成过  
颠倒不颠倒  
舍离于自宗

灯灭及薪尽  
是坏有成无  
远离不能证  
无色无想定  
力通皆自在  
亦不恒沉没  
诸地得善巧  
而来密严国  
坏有以成无  
毕竟不能出  
因等四种缘  
和合所生识  
互力以相生  
一切皆违反  
离于心所得  
亦不住其性  
寂然心正受  
所取能取见  
智慧不思议  
众妙为严好  
而来密严国  
不相应无为  
谛观无别异  
来于密严国  
正智及如如  
体性皆平等  
密严之净国  
及以四种缘  
同诸妄分别  
彼之五种论  
诸义皆相违  
惑乱于智眼  
同异法斯坏  
依止他宗法

初际等诸见  
大王应当知  
如轮而运转  
如来以悲愿  
如净月光明  
各顺其根性  
涅盘若坏灭  
增上有三种  
四谛及神足  
四缘无色住  
觉支诸地等  
乃至众圣人  
苦法苦观智  
集智三亦然  
如是十二种  
学人数有十  
家家一往来  
中般与生般  
上流于处处  
如是一切种  
修行观行者  
菩萨增上修  
十一与十二  
此诸修定者  
所尽非是心  
未来心未至  
心缘不和合  
第四禅无心  
有因谓诸识  
妄想不自觉  
定者观赖耶  
微妙无所有  
在于密严中  
密严诸智者

皆从灭坏生  
众生在诸有  
初际不可得  
普应诸有缘  
无处不周遍  
随宜而说法  
佛有何功德  
解脱亦复然  
念处无碍解  
根力及神通  
有为无为法  
皆依识而有  
及苦随生智  
灭道亦如是  
名之为现观  
第八七返生  
一间而灭度  
有行及无行  
然后般涅盘  
诸智之品位  
下中上不同  
功业最殊胜  
乃至于十六  
复渐灭于心  
亦非心共住  
未至故非有  
非此非彼生  
有因不能害  
意识及五种  
犹如波浪生  
离能所分别  
转依而不坏  
如月恒明显  
与佛常共俱

恒游定境中  
密严定者处  
是故应修习  
欲界有六天  
无色及无想  
若生密严国  
欲求密严土  
法智随生智  
及苦集灭道  
仁者真实见  
与甘蔗月王  
当求密严国  
如羊被牵拽  
意在于身中  
亦如幻为树  
如王戏园苑  
意及于意识  
譬如空中云  
种子赖耶识  
譬如摩尼宝  
离住众生身  
是决定种姓  
名因于相生  
以诸形相故  
分别从二因  
第七末那识  
诸根意缘会  
心法共相应  
正智常观察  
从于如是因  
真如非异此  
与理相应心  
此即是诸法  
亦为妄所计

一味无差别  
定力生于彼  
相应妙定心  
梵魔十二处  
一切诸地中  
于彼为天主  
当修十种智  
世俗知他心  
尽智无生智  
舍君罗帝族  
种姓无殊异  
勿怀疑退心  
喘惧而前却  
似幻兽而住  
河中之苇荻  
运动诸身分  
心心法共俱  
共聚而无实  
诸习所缠覆  
随缘现众色  
体净而无垢  
亦为大涅槃  
相从因缘起  
而起于分别  
外相心习气  
应知亦复然  
发生于五识  
如是身中住  
一切诸世间  
而生彼诸果  
诸法互相生  
明了而观见  
究竟真实性  
一切法不生

诸法性常空  
如幻及阳焰  
种种诸形相  
如是执着生  
根境意和合  
与心无别异  
资于互因力  
内证真实智  
是即说圆成  
佛及诸佛子  
若人证斯法  
唱言生已尽  
所作莫不成  
解脱一切苦  
生法二无我  
普烧诸习气  
从于无始来  
无量众过恶  
譬如热铁团  
解脱者亦尔  
入于无漏界  
此土最微妙  
佛与诸菩萨  
三昧乐现前  
欲生斯土者  
复为诸有缘  
名生本于相  
种种诸分别  
根境瓶衣等  
分别从此生  
若动若非动  
皆因痴暗生  
长短等诸色  
甘苦坚滑等

非无亦非有  
干城等众物  
名句及文身  
成于遍计性  
熏习成于种  
诸识从此生  
是谓依他起  
现前所住法  
众圣之境界  
证此名圣人  
即见于真际  
梵行皆已立  
永离于诸有  
灭除众怖畏  
善能明了知  
永断于分别  
戏论而积聚  
一切皆已除  
热去铁无损  
惑尽而清凉  
密严之妙土  
非余所能及  
清净之所居  
以此而为食  
当修真实观  
如理广宣说  
相起复从缘  
皆因相而有  
蕴法所合成  
了知而简异  
一切诸世间  
愚冥以为体  
音声与香界  
意识之所缘

善与不善性  
乃至于涅槃  
念念常迁转  
譬如磁石力  
末那于藏识  
如蛇有二头  
染意亦如是  
能为我事业  
复与意识俱  
身中暖触生  
饮食及衣服  
腾跃或歌舞  
持诸众生身  
于如梦翳等  
起种种分别  
如人在空中  
飘危不安固  
分别无所依  
譬如镜中像  
愚夫此迷惑  
仁主应当知  
于斯远离处  
持进菩萨等  
遍观诸亿刹  
于彼庄严中  
极乐及现喜  
无量亿土中  
皆言密严国  
无始亦无终  
出过于三有  
自利及利他  
非不此成佛  
要从于密严  
常依于正定

有为无为法  
斯为智之境  
皆依识以生  
吸铁令回转  
当知亦复然  
各别为其业  
执取阿赖耶  
增益于我所  
为依而转谢  
运动作诸业  
随事而受用  
种种自欢娱  
斯由意功力  
一切诸境界  
不知唯自心  
走索以游戏  
分别亦如是  
但行于自境  
识种种而见  
非诸明智者  
此三皆识现  
是即名真实  
及圣目干连  
种种皆严好  
此土最殊胜  
乃至于下方  
诸佛所称赞  
威德化自然  
本昔如来地  
寂静无所为  
功业悉成满  
欲中施佛事  
化为无量亿  
游戏诸神通

一切国土中  
随诸众生类  
十地花严等  
胜鬘及余经  
此经最殊胜  
仁主及诸王  
欲色无色界  
佛已超过彼  
此土诸宫殿  
是一切如来  
佛及诸菩萨  
世尊恒住禅  
依自难思定  
色相无有边  
极乐庄严国  
诸修观行者  
或见天中天  
珂利占波色  
孔雀素罗瞿  
或见身羸瘦  
或如千日光  
或见诸菩萨  
或以帝青宝  
或见轮幢文  
或见光丽色  
或见以须弥  
或持大海水  
或见作人王  
辅佐众围绕  
或见诸菩萨  
说于自境界  
或说以智定  
得如幻之身  
或示了于境

如月无不见  
所应而化益  
大树与神通  
皆从此经出  
众经莫能比  
宜应尽尊敬  
无想等天宫  
而依密严住  
如莲备众饰  
净智之妙相  
常在于是中  
寂静最无上  
现于众妙色  
非余所能见  
世尊无量寿  
色相皆亦然  
赫奕含众彩  
真金明月光  
珊瑚莲电等  
弊服寢茅中  
处大莲花上  
顶饰龙王髻  
庄严为宝冠  
鱼螺等众相  
如婉而挖空  
置之于右掌  
其状如牛迹  
冕服当轩宇  
共宣于国化  
最上修行者  
先佛所知法  
速转于所依  
种种皆无碍  
断诸取着业

诸见皆已除  
譬如膏炷尽  
或有示修行  
衍那之大会  
苦行持戒等  
极乐庄严国  
身相如真金  
瑜伽自在者  
斯人之境界  
极乐中之人  
牟尼胜自在  
宝树名如意  
妙金为碎末  
地莲及众花  
如是具严饰  
若人有净信  
爱乐佛功德  
即于佛胜土  
众相以庄严

不受于诸有  
灯灭而涅盘  
一切波罗蜜  
周给无穷尽  
种种诸仪则  
人非胎藏生  
光色常圆满  
安乐及光明  
百分无其一  
自然随念食  
定为甘露味  
游憩于其下  
布地以庄严  
数荣而菡萏  
不可得为喻  
善巧行诸禅  
专精以回向  
莲华而化生  
皎镜无尘垢

尔时金刚藏菩萨摩诃萨。说是偈已自现其身如一指节。或如芥子乃至毫端百之一。或现佛身或现独觉身或现声闻身。及余无量种种之形而说于法。或说菩萨入于诸地。了知五法八识三性及二无我。得如幻三昧随意受身。自在神通力无所畏。皆不退转净所依止。入于佛地无漏蕴界常无变易。或说菩萨善能游履。如梦如像如水中月。诸观行人所行之道。得首楞严三昧十幻喻身。诸究竟愿莫不成满。逮于正觉坐妙莲花。诸佛子众所共围遶。或说菩萨以愿力故。现种种形游诸国土历事诸佛。是诸菩萨其身微妙不在有无。譬如天仙干闼婆众。依须弥住或在虚空。地行众生所不能覩。彼诸菩萨亦复如是。非观行者不能得见。或说菩萨得禅自在三昧力故。于十方国土莲花之宫。示现受生及般涅盘。或说菩萨以三昧力。转于所依而不住实际。于一切有众生处差别现身。其心平等如地如水如日如月。或说菩萨以大悲心。愍诸众生轮转生死孤穷下贱众苦所逼。譬如黑蜂依船而住游于大海。随船飘荡或一由旬乃至百千无量由旬。为说非我生死无常。令知速灭刹那不住。或说诸佛及诸菩萨。见一切众生渴爱迷乱。为分别苦之所逼迫。于无相法中而取于相。虚妄计着有能所取。是能所取繆继其心。于生死海驰荡不息。贫穷孤露

无有所依。如大海中蜘蛛之网。佛及菩萨犹住船人。于诸众生心生怜愍。欲令解脱生死苦难。随其所应而为现身。说布施等种种诸行。

## 大乘密严经卷上

## 大乘密严经卷中

唐天竺三藏地婆诃罗奉 制译

### 妙身生品第二之余

尔时普贤众色大光菩萨摩诃萨。与诸同类持世菩萨。持进菩萨。文殊师利菩萨。神通王菩萨。得大势菩萨。圣者月菩萨。金刚齐菩萨。大树王菩萨。虚空藏菩萨等。乃至摩尼宝殿无量诸天。密严土中诸佛子众。并余佛国来听法者。闻说密严微妙功德于法尊重。决定转依恒居此土不生余处。然皆愍念未来众生。普欲为其而作利益遂共同心。白金刚藏菩萨摩诃萨言。尊者愿为我说。一切世间若干色像谁之所作。如陶工埏埴而造瓶等世间众像。为如是作为不然耶。又如伶人击动丝竹匏木之类繁会成音。一切世间岂亦如是。如随一物有三自性。世间众物已成体相。若未成者。此岂咸在一物中乎。为夜摩天兜率陀天他化自在及以大树紧那罗作。为是善现色究竟天螺髻梵王无色天作。为是一切诸天主等同心効力而共作耶。为是此方及他方中诸佛菩萨以变化力。作是一切世间众像。而于此中起诸迷惑。是迷惑见如阳焰水。譬如瓶处为德所依。一切世间住于处者。非诸德者系属于德。亦非是德依于德者。展转合故众德集成。如是世间若干色像。为唯惑乱为有住耶。或有言是大梵天王那罗延天自在天作。或谓力沙迦擎提那劫比罗仙自力而作。或有妄执从于胜性自然及时。无明爱业而得生起。诸天仙等及余一切修世定人悉怀疑惑。为无有体如幻如梦。如热时焰如干闼婆城。无始分别有能所取。如蛇二首如起尸行。亦如木人因机动转。空中垂发旋火轮耶。尔时金刚藏菩萨摩诃萨。以偈答曰。

世间众色像	不从能作生
非是矩瓣罗	因陀罗等作
亦非大施会	祠祭之福果
毘陀所说因	互违无定义

亦复非无有  
所谓阿赖耶  
运动于一切  
如油遍在麻  
亦如无常性  
沈麝等有香  
非能作所作  
远离诸外道  
非智所寻求  
定心无碍者  
若离阿赖耶  
譬如海波浪  
海静波去来  
譬如修定者  
神通自在人  
观行者能见  
藏识亦如是  
佛及诸佛子  
藏识持于世  
亦如车有轮  
陶师运轮杖  
藏识与诸界  
内外诸世间  
譬如众星象  
风力之所持  
如空中鸟迹  
然鸟不离空  
藏识亦如是  
如海起波涛  
藏识亦如是  
譬如水中月  
与水不相离  
藏识亦复然  
如目有童子

能持世间因  
第八丈夫识  
如轮转众瓶  
盐中有鹹味  
普遍于诸色  
日月光亦尔  
非有亦非无  
一异等众见  
不可得分别  
内智之所证  
即无有余识  
与海虽不异  
亦不可言一  
内定清净心  
所有诸通慧  
非余之所了  
与转识同行  
定者常观见  
犹如线贯珠  
随于业风转  
器成随所用  
共力无不成  
弥纶悉周遍  
布列在虚空  
运行常不息  
求之不可见  
颉颃而进退  
不离自他身  
如空含万象  
蕴藏诸习气  
及以诸莲花  
不为水所著  
习气莫能染  
眼终不自见

藏识住于身  
遍持寿暖识  
业用曾不停  
世间妄分别  
不了角非有  
分析至微尘  
要待于有法  
有法本自无  
若有若无法  
有无二法中  
若离于所觉  
譬如旋火轮  
皆因少所见  
若离于所因  
名相互相系  
一切诸分别  
证于真实境  
从于无始来  
戏论而熏习  
能取及所取  
瓶衣等诸相  
一切唯有觉  
能觉所觉性  
习气扰浊心  
如海风所击  
心为境风动  
种种诸分别  
如地无分别  
藏识亦复然  
如人以己手  
亦如象以鼻  
复似诸婴儿  
如是自心内  
是心之境界

摄藏诸种子  
如云覆世间  
众生莫能见  
见牛等有角  
因言兔角无  
求角无所有  
而起于无见  
无见何所待  
展转互相因  
不应起分别  
能觉即不生  
翳幻等众事  
而生是诸觉  
此觉即无有  
习气无有边  
与意而俱起  
习气心不生  
沈迷诸妄境  
生于种种心  
众生心自性  
离心无所有  
所觉义皆无  
自然如是转  
凡愚不能见  
波浪无停止  
识浪生亦然  
自内而执取  
庶物依以生  
众境之依处  
还自摩握身  
取水自沾沐  
以口含其指  
现境还自缘  
普遍于三有

久修观行者  
内外诸世间

而能善通达  
一切唯心现

尔时金刚藏菩萨摩诃萨。说此语竟默然而坐。住无处所微妙之禅。游法界门入诸佛境。见有无量佛子当来此国住修行地。便从定起放大光明。其光普照欲色无色无想天宫。是光明中复现无量殊胜佛土。有无量佛相好庄严。随诸世间之所欲乐而为利益。皆使受持密严名号。彼诸佛子互相观察而作是言。密严佛土能净众福灭一切罪。诸观行人所住之处。于诸佛国最上无比。我等闻名心咸悦乐可共俱往。时诸佛子各从所住而来此国。尔时净居诸天与阿迦尼咤螺髻梵王同会一处。咸于此土佛及菩萨生希有心请梵王言。天主。我等今者咸兴是念。何时当得陪侍天王诣密严土。尔时梵王闻是语已。与诸天众遽即同行。中路退回罔知所适。梵王先悟作是思惟。密严佛国观行之境。若非其人何阶可至。非是欲色无色诸天及外道神通所能往诣。我今云何而来至此。复自念言。或天中天。假吾威力而能亟往。作是念已发声归命。实时见有无量诸佛在于道中威光照曜。时螺髻梵王即白佛言。世尊。我等今者当何所作。而能速诣密严佛土。佛告之言。汝可退还。所以者何。密严佛国观行之境。得正定人之所住处。于诸佛刹最胜无比。非有色者所能往诣。时螺髻梵王闻佛语已。与诸天众寻还天宫。尔时净居诸天共相议言。螺髻梵王。有大威力而不能往。当知此土最为殊胜。但是得如幻三昧。诸观行人所行之境。如是称扬密严功德。其声展转靡不传闻。尔时诸佛子众来此会者。闻是语已益加欣敬。白金刚藏菩萨摩诃萨言。我等于法深怀渴慕。惟愿大明为我宣说。金刚藏言。佛所说法谁能具演。唯除如来之所护念。夫如来者于观行中最胜自在。所有境界不可思议。云何可为非观行人开示演说。时持进菩萨及须夜摩诸佛子等。复共同声请言速说。尔时神通王菩萨。文殊师利菩萨。慈氏菩萨。紧那罗菩萨。及余无量诸菩萨众。复作是言。善哉仁者。愿速为说。是时复有无量诸天。于虚空中作天妓乐同心劝请。当尔之时螺髻梵王。承佛威力而来此会向金刚藏菩萨摩诃萨。而说偈言。

今此诸大会  
悉是尊弟子  
皆于尊者处  
我今犹未知  
为问憍罗婆  
乃至盛年马  
为问甘蔗种

严饰未曾有  
聪慧无等伦  
渴仰而求法  
所问为何等  
胜堕及顶生  
转轮王所作  
千弓持国王

欲色无色中  
为问菩萨行  
乃至阿修罗  
惟愿如其事  
我等及天人

人天等之法  
独觉及声闻  
星象等众论  
次第而演说  
一心咸听受

尔时金刚藏菩萨摩诃萨告诸大众。汝岂不闻螺髻梵王净居天众。及诸佛子勤心请法。尔时解脱月菩萨。无尽慧菩萨。虚空王菩萨。持世菩萨。得大势菩萨。观自在菩萨。陀罗尼自在菩萨。宝髻菩萨。天冠菩萨。金刚手菩萨。寂静慧菩萨。宝手菩萨。及余无量诸亿土中俱来佛子。咸共瞻仰金刚藏尊。而说偈言。

过去及未来  
尊于佛亲受  
此众皆乐闻

如来清净智  
明了心不疑  
愿尊时演说

尔时金刚藏三昧王。普观大众。以偈答曰。

如来所说法  
唯除佛菩萨  
我今至心礼  
摩尼宝藏殿  
我以敬心说  
绍隆佛种姓  
非说过去等  
但示于密严  
佛智甚微妙  
正观之所行  
是故非我力  
但以佛威神  
此智最微妙  
佛在密严中  
远离諸言说  
若有若无等  
是名最清净

非我具能演  
威神之所护  
自在清净宫  
佛及诸佛子  
如来清净智  
汝等应听受  
最胜诸王法  
如来之种姓  
牟尼胜功德  
离诸心妄计  
能演此甚深  
从佛而听受  
是诸三昧花  
正受而开演  
及以一切见  
如是四种边  
中道之妙理

密严诸定者  
离着而转依

于此能观察  
速入如来地

尔时会中诸佛子众。闻金刚藏菩萨摩诃萨说是语已。稽首恭敬而白之言。我等于法深生爱乐。如渴思浆如蜂念蜜。今此会中诸佛子众。于深定智皆得自在有大神力王诸世界。愿闻如来说所之法。唯愿尊者以梵音声因陀罗声。及以如来众所悦可深远之音。演殊胜义令得显了。金刚藏菩萨言。如来说语义真实希有难见。譬如空中无树等物而见其影甚为希有。如来说希有亦然。如空中风及以鸟迹无能见者。牟尼所说种种义趣。难可得见亦复如是。世间之法有智慧者。能以譬喻分明显说。佛口所宣过诸譬喻非言所及。我之所见譬如梦境干闼婆城。今此会中诸观行者有大智慧。于真实义已得明了。我今云何能为是人。说不思议诸佛境界。虽然当承如来威神之力为众宣述。汝诸佛子咸应谛听。如来说文义相应。出过心意非喻所及。譬如妙花众蜂竞采。先至之者取其精粹。后来至者但味其余。如是如来得法精粹。我味其余为众说耳。即说偈言。

天中天境界  
非心口所能  
为欲普降伏  
云同人之形  
圆光及足轮  
游处诸宫殿  
如来四时中  
而于诸世界  
淳善少减时  
随诸众生类  
业用无暂停  
密严无垢处  
恶生浊乱时  
譬如净满月  
如是诸色像  
如来净智境  
以诸众生类  
佛以种种身  
或见大自在

增悦诸明智  
度量分别说  
世间憍慢心  
佛相为严饰  
种种皆成就  
人天具所瞻  
常依密严住  
现生及涅槃  
恶生及浊乱  
所应而利益  
密严恒不动  
观行者所依  
显示如来相  
影遍于众水  
普现于世间  
智者所观见  
所乐各不同  
随宜而应化  
或见毘纽天

或见迦毘罗  
或见毘陀者  
或见娑旦那  
罗睺熟部等  
甘蔗月种王  
金刚等众宝  
皆由佛威力  
天女及龙女  
治容而进趣  
欲界中诸境  
色无色亦然  
无想诸定者  
非安非清净  
有身者所生  
密严微妙土  
解脱知见人  
十种大自在  
如佛而严饰  
修行于十地  
众相以庄严  
远离于分别  
无有我意根  
施等诸功德  
得佛胜所依  
此土最微妙  
诸佛及菩萨  
其光甚威曜  
无有昼夜时  
密严最胜处  
最上修行者  
了知一切法  
善说阿赖耶  
其身转清净

住空而说法  
或复见常行  
鳩摩及尸弃  
乃至紧那罗  
一切所瞻奉  
乃至于铅锡  
随应而出生  
干闼婆之女  
不能惑其心  
如来已降伏  
无有能迷动  
未离于惑缠  
退堕而流转  
非如密严国  
清净福为严  
最胜之依处  
力通三昧法  
意生之妙身  
施等波罗蜜  
其身甚清净  
亦非无觉了  
慧根常悦乐  
净业悉圆满  
密严之净国  
不以日为明  
舒光而普照  
逾于百千日  
亦无老死患  
诸天所希仰  
地地而进修  
皆以心为性  
三性法无我  
而来生此国

## 大乘密严经胎生品第三

尔时金刚藏菩萨摩诃萨。复告螺髻梵天王言。天主当知。众生之身九物为性。有为众相恒共迁动。大种诸色微尘之聚。以诸不净精血合成。为无量业常所缠覆。譬如毒树扶疎蓊鬱。贪恚及痴而共增长。经于九月或十月余。业力驱驰生机运动。从于产门倒首而出。烦冤逼迫受无量苦。天主。此诸众生或从人中。或从畜生饿鬼罗刹阿修罗等而来生此。或有曾作转轮之王。乃至天中威力自在。或是持呪外道仙人并其眷属。或修禅者退失禅定。从如是等处而生此中。既生之已诸根长大。随所亲近宿习因缘而造诸业。复因此业轮回诸趣。若有智者遇善知识闻法思惟而得解悟。不着文字离诸分别。入三脱门见法真理。最上清净最上上清净。而来住此密严佛国。于无量亿诸佛土中随宜应现。天主。如是生者永得解脱生死险趣。名为丈夫名为智者。亦复说名天中之天。诸佛子众所共围绕。天主。胎藏之身虚伪不实。非自性生亦非无明爱业所生。何以故。无明爱业因相而有。若能了达悉灭无余。亦无名字及以分别。斯人即生密严佛土。天主。若诸定者住于三昧。心有攀缘即为色声之所诳惑。而生取着不能坚固。此即名为散动之道。是三昧力生于欲界及色无色。乃至无想众生之处。是人即为三昧所缚。若住三昧善调其心离能所取。离二取已心即不生。是名真实观行之者。若欲生于密严佛国。常当住此真实三昧。

## 大乘密严经显示自作品第四

尔时金刚藏菩萨摩诃萨。复告螺髻梵天王言。天主。心有八种或复有九。与无明俱为世间因。世间悉是心心法现。是心心法及以诸根。生灭流转为无明等之所变异。其根本心坚固不动。天主。世间因缘有十二分。若根若境能生所生刹那坏灭。从于梵世至非非想皆因缘起。唯有如来离诸因缘。天主。内外世间动不动法。皆如瓶等坏灭为性。天主。诸识微细迁流速疾。是佛境界非诸世间仙人外道所能知见。众仙外道为爱所缠。不能了知心相差别。天主。假使有人勉意勤行。歌赞祠祀毘陀之法而祭于天。经于一月或满四月。如是一岁至于千岁。生于梵境终亦退还。天主。汝不知耶。三毘陀行所得之果。譬如芭蕉性不坚固。天主。密严佛土是诸如来解脱之处从智定得。若乐解脱应善修行。天主。密严中人无有眷属生死之患。其心不为诸业习气之所染着。如莲花出水。如虚空无尘。如日月高升净无云翳。一切诸佛恒共摄受。沐净戒流饮智慧液。得真实解度生死岸。天主。众生身中诸界五蕴识等众法。皆无所有。眼色为缘而生于识。譬如因木火得炽然。天主。一切境界

随妄识转。如铁动移逐于磁石。又如阳焰于閟婆城。是诸渴鹿愚幻所取。此中无有能造等物。但是凡夫心之变异。天主。如干城之中人众往来驰鹜所作见而非实。众生之身进止云为亦复如是。如梦中所见寤即非有。世间之人见蕴等法。觉心明照本来寂静。天主。地等和合微尘之聚。若离于心即无所。得。世间诸物可持举等。孰非大种之所合成。譬如风痰病缘惑乱见种种物。又如起尸无能作者。世间诸法悉亦如是。汝诸佛子应勤观察。天主。一切世间动植之物。譬如水沫共聚成形。瓶衣等想同于阳焰。苦乐诸受犹如浮泡。行如芭蕉中无有坚。识如幻事虚伪不实。天主。三界之中动不动法。同于梦境迷心所现。亦如幻事于閟婆城但诳愚夫。若诸佛子于如是法。能正觉知心无所畏。以智慧火焚烧一切。诸患因缘。即生妙乐密严之土。天主。一切世间皆无有相。相为系缚无相即解。相是心境心境不实。真实之法是智境界。远离众相非心所行。天主。一切诸相是三界法。色声等法名之为相。诸根境界一切众生系缚之因。若能于相而不贪着。众缚悉除安乐自在。

尔时宝髻菩萨摩诃萨。在大众中坐殊妙座。向金刚藏菩萨摩诃萨而作是言。尊者。于诸亿佛国菩萨众中最为上首。成最上智了所知法。无量悉檀皆已明见。在瑜祇众能净彼疑。善知众生身之本起。能于一劫或一劫余。以妙音词演而不倦。何故不为诸仁等说。离诸逆顺似非似因。真实之法令诸智者心净无疑。舍蕴因缘疾得解脱。法与非法是蕴因缘。生于此身及后身故。智能脱苦爱为坚缚。尊者。众生之心因色与明。作意等缘驰散于境。其心速疾难可觉知。无明爱业以之浊乱。尊者。众生身中种种诸法。意为先导意最速疾意为殊胜。随所有法与意相应。彼法皆以意为其性。如摩尼珠显现众彩。如是之义仁何不说。又如众色摩尼之宝。随所相应种种明现。仁亦如是。具如来像住自在宫。诸佛子众所共围绕。亦应如是随宜说法。

尔时金刚藏菩萨摩诃萨言。密严佛土是最寂静是大涅槃。是妙解脱是净法界。亦是智慧及以神通。诸观行者所止之处。本来常住不坏不灭。水不能濡风不能燥。非如瓶等勤力所成寻复破坏。非诸似因及不似因之所成立。何以故。宗及诸分是不定法。诸宗及因各差别故。密严佛土。是转依识超分别心。非诸妄情所行之境。密严佛土是如来处。无始无终非微尘生。非自性生非乐欲生。不从摩酰首罗而生。亦非无明爱业所生。但是无功用智之所生起。出过欲界及色无色无想天中闇冥之网。密严佛土阿若悉檀。非因明者所量境界。亦非胜性自在声论毘陀如是等宗之所显示。乃至于资粮位智慧之力不能照了。唯是如来十地所修清净智境。诸仁者。一切凡夫迷于世间为业非业。我今当说业非业义。令诸定者获于安乐。即说偈言。

内外一切物  
众生心二性  
心体有二门  
凡夫性迷惑  
所见众境界  
瓶等相现前  
诸仙智微劣  
舍于真实理  
是心有二性  
亦如水现月  
毛轮瓔珞珠  
但从病瞽眼  
瓶衣皆自识  
虚妄计着人  
众生及瓶等  
内外虽不同  
此密严妙定  
若有能修行  
或生欲自在  
乃至无想宫  
空识无所有  
如是诸地中  
住彼非究竟  
佛子众围遶  
汝应修此定  
眷属相羁缚  
男女相耽爱  
如虫生臭泥  
九月或十月  
时至出母胎  
从此而长大  
我观诸众生  
父母无有数  
一切诸世间

所见唯自心  
能取及所取  
即心见众物  
于自不能了  
皆是自所为  
求之悉无体  
不能明了知  
而行分别路  
如镜含众像  
翳者见毛轮  
此皆无所有  
若斯而显现  
众生亦复然  
不知恒执取  
种种诸形相  
一切从心起  
非余之所有  
生于众福地  
及以色界天  
阿迦尼咤处  
非想非非想  
渐次除贪欲  
寻来生密严  
自在而游戏  
何为着亲属  
轮回生死因  
精血共和合  
此中生亦尔  
诸根渐成就  
譬如虫蠕动  
乃至心了知  
生生悉如此  
妻子亦复然  
无处不周遍

譬如石女人  
捧对方欢乐  
悲哀不自胜  
不见有其子  
又梦山川中  
人众悉充满  
彼此互相见  
及从于睡觉  
复有多欲人  
姿容极殊丽  
在梦极欢娱  
一切世间事  
王位及军旅  
但诳于凡夫  
汝于如是定  
无量诸声闻  
在于空闲处  
或住于乳海  
须弥与膑陀  
鸡罗婆利师  
或在劫波树  
拘鞞罗树下  
食阎浮果味  
具足诸神通  
过去未来世  
结跏身不动  
诸根善调摄  
譬如象得钩  
世间若出世  
佛定净无垢  
遍处无色定  
见日月莲花  
若离是分别  
即于三昧中

梦已忽生子  
寻又见其亡  
忽然从睡觉  
初生及后终  
田野村城邑  
共营诸业务  
犹如世所为  
一切皆非有  
梦瞻于女色  
服玩皆珍绮  
觉已即无见  
当知悉如是  
父母等宗亲  
体性皆非实  
何故不勤修  
独觉及菩萨  
山林恒寂静  
及以摩罗延  
摩酰因陀罗  
乃至雪山等  
波利耶多罗  
半柱婆罗上  
及诸不死食  
而常修此观  
常坐于莲花  
正定恒观察  
不散于众境  
离欲而三昧  
一切诸定中  
贪爱皆除遣  
无想等禅中  
水火虚空相  
其心不动摇  
见无量诸佛

一时共舒手  
如是入佛地  
具足众色身  
力通诸自在  
如是等功德  
分析于诸色  
自性无所有  
无分无分者  
同于幻所作  
此中无业果  
无能作世间  
能作待于作  
此言成过失  
若谓云何有  
及众生世间  
诸趣各差别  
谁复作诸根  
此等皆分别  
同于奶酪酥  
若业若非业  
定者常观此  
众生无始来  
生起于分别  
诸根犹如幻  
能作作及业  
智慧微劣者  
计有于能作  
或谓摩尼珠  
鸟兽色差别  
此等谁所为  
世间非胜性  
亦非无有因  
惑心妄计者  
为业为非业

以水灌其顶  
一切皆明觉  
随宜而普现  
三昧陀罗尼  
莫不皆成就  
乃至观微尘  
譬如彪兔角  
蕴有蕴亦然  
一切皆如是  
亦无作业人  
设有非能作  
何名能作人  
说者非清净  
水轮与地轮  
次第而安布  
彼此互往来  
随情取于境  
展转而变异  
如是生住灭  
于斯生妄计  
如梦与干城  
戏论所熏习  
种种众过咎  
境界同于梦  
定者不分别  
妄生诸恶见  
作一切世间  
金銀等众矿  
刺端纤以利  
当知无作者  
微尘等缘作  
自然而得有  
不知其体性  
如是而分别

如毒入于乳  
诸法亦复然  
法性非是生  
惑者不能了  
定者应观察  
若业若非业  
诸趣互来往  
在空无所依  
业性甚微隐  
修行观行人  
譬如火烧木  
智火焚业薪  
又如灯破闇  
诸业之闇冥  
牟尼智灯照

随变与相应  
分别常俱起  
亦非是灭坏  
种种异分别  
世间唯积聚  
于此勿思惟  
譬如于日月  
随风而运转  
密严者能见  
不为其所缚  
须臾作灰烬  
当知亦如是  
一念尽无余  
多劫所熏聚  
刹那悉除灭

## 大乘密严经分别观行品第五

尔时金刚藏菩萨摩诃萨复告大众。诸仁者。譬如有人在空闲地。以泥瓦草木葺之成宇。既而谛观一一物中无舍可得。又如多指共合成拳。离指求拳即无所有。军徒车乘城邑山林。瓶衣等物一切皆是和合所成。智者观之悉如梦事。凡夫身宅亦复如是。诸界积集。譬如高山危脆不安同于朽屋。不生不灭非自非他。如干闼婆城。如影如云如阳焰如缥像。虽可现覩性常清净。远离一切有无分别。如盲与跛相假而行无决定性。乃至分析至于微尘。但有空名都无实物。若诸定者作是思惟。即于色声等法不生觉念。谁觉念已心得休息。泰然解脱不受诸有。常乐修行甚深禅定。诸天仙等端正女人而来供养。如观梦事不生染着。身虽在此。诸仙外道持呪之人。乃至梵天不能见顶。是人不久生摩尼宝藏宫殿之中。游戏神通具诸功德。此观行法是大心者所行境界。仁应速发广大之心。大心之人疾得生于光明宫殿。离诸贪欲瞋恚痴。乃至当诣密严佛土。此土广博微妙寂静。无诸老死衰恼之患。远离众相非识所行。妄计之人所不能得。诸仁者。此土清净观行所居。若怀希仰当勤修习。断贪瞋痴离我我所。何以故。贪等烦恼取诸境界。若取于境即三觉生。如有女人端正可憙。有多欲者见已生着欲心迷乱。若行若坐饮食睡眠。专想思惟更无余念。彼女容相常现于心。此心即为境界淤泥之所浊乱。是故于境不应贪着。诸仁者。譬如有人见牛鹿山羊有角之兽。即于彪兔生无角解。若

使不见牛等有角。于彪兔等决定不生无角之见。世间妄见悉亦如是。妄有所得起有分别。后求其体不可得故。便言诸法决定是无。乃至未离分别之心。常生如是不平等觉。诸仁者。应以智慧审谛观察。心之所行一切境界。皆如妄计见牛兔等。若诸佛子作如是观。随其意乐或生人中为转轮王。有大威力腾空来往。或生日月星宿之宫。四天王天三十三天。夜摩天兜率陀天。乃至自在天主摩尼藏殿。或生色界梵身等天。修行定者十梵之处。无烦无热善见善现阿迦尼咤。空处识处无所有处非想非非想处。住于彼已渐除贪欲。从此而生清净佛土。常游妙定至真解脱。尔时金刚藏菩萨摩诃萨。复说偈言。

如因瓶破	而成于瓦	刹那各别
恒是无常	因种生芽	芽生种坏
又如陶匠	以泥作瓶	泥是奢摩
瓶如其色	若复兼用	余色泥作
火烧熟已	各杂色生	箭竹生葱
角生于蒜	不净之处	蝇生于虫
世间之中	有果似因	或有诸物
不似因者	皆因变坏	而有果生
微尘等因	体不变坏	不应妄作
如是分别	无能作我	内我胜我
亦无我意	境界诸根	和合为因
而生于识	智者方便	善知众境
破烦恼等	一切诸魔	世有贪爱
如淡得蜜	贪爱若除	众缚悉解
如蛇螫物	瞋毒亦然	生死趣中
多所恼害	诸仁若欲	令彼除尽
宜各勤心	修于观行	

## 大乘密严经阿赖耶建立品第六

尔时金刚藏菩萨摩诃萨复告众言。诸仁者。我念昔曾蒙佛与力而得妙定。廓然明见十方国土修世定人。及佛菩萨所住之处。于如是处中密严佛土安乐第一。诸佛菩萨数如微尘处莲华藏。我于尔时一心瞻仰。寻从定出即自见身。与诸菩萨在密严土。复于尔时见解脱藏住在宫中。其量大小如一指节。色相明洁如阿怛斯花。亦如空中清净满月。我时见已便生念言。此为是谁。而有如是不可思议事。作是念时。即见我身在其身内。于中普见一切世间。尔时莲

花藏中无量菩萨。以佛神力亦如是见咸生是念。此为希有不可思议。时天中天所为事毕还摄神力。诸菩萨等悉复如故。我时见此希有事已。知诸菩萨种种变现。是佛境界不可思议。诸仁者。如来昔为菩萨之时。从初欢喜至法云地。得陀罗尼句义无尽。及首楞严等诸大三昧。意生之身八种自在。如应而现游戏神通名称光明。如是等一切功德悉已成就。转复清净逮成正觉。住密严土随宜变化。佛及菩萨种种色像。自然周遍一切世间转妙法轮。令诸众生速灭痴闇修行善法。或有菩萨见佛身相尸利婆蹉等。具足庄严自然光明犹如盛火。与诸菩萨住如莲华清净之宫。常游妙定以为安乐。或见大树紧那罗王。现百千亿种种变化。如月光明遍诸国土。或见无量佛子。智慧善巧众相庄严。顶饰宝冠身佩璎珞。住兜率陀等诸天之宫。或见普贤有大威力。得一切智无碍辩才。身相光明独无伦比。所居宫殿如净满月。虽住密严正定之海。而现众色像靡不周遍。一切贤圣所共称誉。无量天仙干闼婆等。国王王子并其眷属围绕侍卫。或复见有观行之师。诸佛子众所共围绕。住禅寂静犹如睡眠。而离惛沈懈怠等过。悉曾侍奉无量诸佛。或复有见为大导师。降神诞生出家苦行。一心正定乃至涅盘。于虚空中行住坐卧现诸神变。令阎浮提至色究竟。诸天人等莫不瞻仰。诸仁者。诸佛体性唯佛所知。佛之智慧最上无比。如释迦牟尼人中师子之所已得。汝诸佛子咸当得之。是故仁等应生净信。信为佛体必当解脱。斯人或作转轮圣王及诸小王。乃至或生梵天等宫而为天主。是诸佛子转复精进。于莲花藏清净佛土。与诸菩萨莲花化生。入一乘道离贪等习。乃至降伏欲界天魔。夫精进者志无怯弱。光隆佛家王诸国土。诸仁者。若欲作佛当净佛种性。净种性已必为如来之所授记成无上觉。利益一切诸修行者。譬如大地与诸众生而作所依。又如良医善调众药。周行城邑普心救疗。佛亦如是。平等教化心无分别。设有众生割截肌肤心亦不动。诸仁者。内外境界心之所行。皆唯是识惑乱而见。此中无我亦无我所。能害所害害及害具。一切皆是意识境界。依阿赖耶如是分别。譬如有人置珠日中。或因钻燧而生于火。此火非是珠燧所生亦非人作。心意识亦复如是。根境作意和合而生。此性非如阳焰梦幻迷惑所取。亦不同于龟鼈之毛及以兔角。如霹雳火。为从水生为从电生为雷生耶。无能定知此所从生。如见陶师造于瓶等。欲等心法与心共生。亦复如是。诸仁者。心之体性不可思议。密严中人善能知见。诸仁者。一切众生阿赖耶识。本来而有圆满清净。出过于世同于涅盘。譬如明月现众国土。世间之人见有亏盈。而月体性未尝增减。藏识亦尔。普现一切众生界中。性常圆洁不增不减。无智之人妄生计着。若有于此能正了知。即得无漏转依差别。此差别法得者甚难。如月在云中性恒明洁。藏识亦尔。于转识境界习气之中而常清净。如河中有木随流漂转。而

木与流体相各别。藏识亦尔。诸识习气虽常余俱不为所杂。诸仁者。阿赖耶识恒与一切染净之法而作所依。是诸圣人现法乐住三昧之境人天等趣。诸佛国土悉以为因。常与诸乘而作种性。若能了悟即成佛道。诸仁者。一切众生有具功德威力自在。乃至有生险难之处。阿赖耶识恒住其中作所依止。此是众生无始时界。诸业习气能自增长。亦能增长余之七识。由是凡夫执为所作能作内我。诸仁者。意在身中如风速转。业风吹动遍在诸根。七识同时如浪而起。外道所计胜性微尘自在时等。悉是清净阿赖耶识。诸仁者。阿赖耶识由先业力及爱为因。成就世间若干品类。妄计之人执为作者。此识体相微细难知。未见真实心迷不了。于根境意而生爱着。尔时金刚藏菩萨摩诃萨。复说偈言。

汝等诸佛子  
藏识体清净  
或具三十二  
或为种种形  
譬如净空月  
诸识阿赖耶  
譬如欲天主  
江海等诸神  
藏识处于世  
如地生众物  
譬如日天子  
旋绕须弥山  
诸天世人等  
藏识佛地中  
十地行众行  
普与众生乐  
在于菩萨身  
佛与诸菩萨  
佛及诸佛子  
广大阿赖耶  
密严诸定者  
能于阿赖耶  
佛及辟支佛  
见理无怯人

云何不见闻  
众身所依止  
佛相及轮王  
世间皆悉见  
众星所环绕  
如是身中住  
侍卫游宝宫  
水中而自在  
当知亦复然  
是心多所现  
赫奕乘宝宫  
周流照天下  
见之而礼敬  
其相亦如是  
显发大乘法  
常赞于如来  
是即名菩萨  
皆是赖耶名  
已受当受记  
而成于正觉  
与妙定相应  
明了而观见  
声闻诸异道  
所观皆此识

种种诸识境  
瓶衣等众物  
悉依阿赖耶  
以诸习气故  
此性非如幻  
非生非不生  
譬如长短等  
智者观幻事  
未曾有一物  
幻焰及毛轮  
离一无和合  
幻事毛轮等  
此皆心变异  
世中迷惑人  
妄说有能幻  
幻师砖瓦等  
动转若去来  
如铁因磁石  
藏识亦如是  
一切诸世间  
如日摩尼宝  
此识遍诸处  
不死亦不生  
定者勤观察  
是时即转依  
此即是诸佛  
审量一切法  
又如大明灯  
远离于断灭  
修行妙定者  
永离诸杂染

皆从心所变  
如是性皆无  
众生迷惑见  
所取能取转  
阳焰及毛轮  
非空亦非有  
离一即皆无  
此皆唯幻术  
与幻而同起  
和合而可见  
过未亦非有  
在在诸物相  
无体亦无名  
其心不自在  
幻成种种物  
所作众物类  
此见皆非实  
所向而转移  
随于分别转  
无处不周遍  
无思及分别  
见之谓流转  
本非流转法  
生死犹如梦  
说名为解脱  
最上之教理  
如称如明镜  
亦如试金石  
正道之标相  
至解脱之因  
转依而显现

## 大乘密严经卷中

# 大乘密严经卷下

唐天竺三藏地婆诃罗奉 制译

## 目识境界品第七

尔时金刚藏菩萨摩诃萨。遍观十方从髻珠中放大光明。其光普照一切国土及密严中诸菩萨众。放斯光已即告如实见菩萨言。仁主。雪山之中有一恶兽名为能害。变诈百千以取诸兽杀之而食。若见牝鹿有子之者。便为子声悲鸣相呼。若有牝鹿便现有角。与其相似而往亲附。彼无惊惧杀而食之。见牛马等种种诸兽。悉同彼形而肆其恶。仁主。一切外道。于阿赖耶所生我见。亦复如是。如彼恶兽变种种形。着我之人所执我相。各各差别乃至极小。犹如微尘。仁主。是诸我执于何而住。不住于余但住自识。计我之人言。我与意根境和合。意等和合而有识生本无有我。如衣与花和合而有香气。未和合时无香可得。是故当知。但唯有识心及心法。无别有我如盘中果。如笼中灯。如伊尸迦文闍之草而可得者。但以因缘心心法生。此中无我亦无有生。微妙一相本来寂静。是诸佛菩萨观行之人内证境界。诸外道等不了唯识生于我见。无知法智而强分别执着有无。若一若多我我所论。如彼恶兽多所伤杀。此亦如是。令诸众生于生死中驰鹜往来。不肯亲近佛及菩萨诸善知识。展转远离无归向时。违背圣道失于己利。于三乘中乃至不得一乘之法。为取所缚不见真谛。不得预于密严之土。乃至名字亦不得闻。仁主。诸观行人咸于此识净除我见。汝及诸菩萨摩诃萨亦应如是既自勤修。复为人说令具速入密严佛土。

## 大乘密严经阿赖耶微密品第八

尔时众中有菩萨名曰宝手。白众色最胜王言。王应请问金刚藏。住三昧者。一切世间所有众法。离诸分别及以名字不相应名相应之名。彼法自性于何而住。此诸佛子专心愿闻。时众色最胜王。即随其义而问之曰。

名想等境界	一切世间法
为唯是分别	为离分别有
如其所立名	是名何所住
金刚自在者	愿为我宣说

尔时金刚藏菩萨摩诃萨。以偈答曰。

世间种种法  
但想所安立  
四蕴唯名字  
如名摩纳婆  
佛及诸佛子  
离相而有名  
是故依于相  
譬如袂吐等  
凡夫所分别  
是故世间法  
瓶衣车乘等  
色相虽可说  
世间众色法  
唯依相立名  
王应观世法  
但以分别心  
若离于分别  
无生即转依  
是故大王等  
但是分别心  
形相体增长  
如是等众名  
想名及分别  
随于世俗义  
若舍离名字  
过去及未来  
能知诸识起  
所知唯是名  
以名分别法  
诸法性如是  
以法唯名故  
想无名亦无  
若得无分别  
如木火烧已

一切唯有名  
离名无别义  
是故说为名  
但名无有体  
说名唯在相  
不作是分别  
分别种种名  
此皆无有实  
莫不皆依相  
离相即皆无  
名言所分别  
体性无所有  
但相无有余  
是名无实事  
离名无所有  
而生于取着  
取着即不生  
证于无尽法  
常应观想事  
离此即无有  
散坏质与身  
皆唯色之想  
体性本无异  
建立而不同  
而求于物体  
此皆无所得  
无有所知法  
世法悉如是  
法不称于名  
不住于分别  
想即无有体  
何处有分别  
身心恒寂静  
毕竟不复生

譬如人负担  
随其担有殊  
名如所担物  
以名种种故  
如见杌为人  
人杌二分别  
诸大和合中  
若离于诸大  
如德依瓶处  
舍名而取瓶  
瓶不住瓶体  
二合生分别  
住于如是定  
譬如金石等  
与火共和合  
藏识亦如是  
诸识共相应  
如铁因磁石  
二俱无有思  
赖耶与七识  
习绳之所系  
普遍众生身  
如铁与磁石  
或离于险道  
神通自在力  
乃至陀罗尼  
赞佛实功德  
或现无量身  
肩头口及舌  
往诣十方国  
或雨众妙花  
其积甚高广  
供养于如来  
或作宝宫殿

是人名担者  
担者相差别  
分别名担者  
分别各不同  
见人以为杌  
但有于名字  
分别以为色  
色性即无有  
瓶依名亦然  
瓶终不可得  
名岂住于名  
名量亦非有  
其心不动摇  
本来无水相  
若水而流动  
体非流转法  
与法同流转  
周回而转移  
状若有思觉  
当知亦复然  
无人而若有  
周行诸险趣  
展转不相知  
而得住诸地  
如幻首楞严  
莫不皆成满  
以之为供养  
一身无量手  
展转皆无量  
供养诸如来  
宝衣及瓔珞  
如须弥等山  
及以诸菩萨  
如云备众彩

化现诸天女  
妓乐众妙音  
或与佛菩萨  
一切众魔怨  
得自证三昧  
阐扬五种法  
相续无暂停  
或现身为小  
复现为大身  
种种诸色相  
或于自身中  
复以诸世界  
大海为牛迹  
是中诸众生  
一切所资用  
如日月如地  
又如大宝洲  
诸法不生灭  
一异及来出  
妄立种种名  
诸法犹如幻  
阳焰水中月  
此中妄所取  
种种诸名字  
此皆无所有  
一切世间法  
斯皆但有名  
如是遍计性  
眼色等为缘  
声依桴鼓发  
宫殿及瓶衣  
众生若诸法  
若法是无漏  
证智所从生

游处于其中  
供养于诸佛  
游止常共俱  
自在而降伏  
已转于所依  
八识及无我  
一心而供养  
其量如微尘  
无边不可测  
以供养如来  
普纳诸世界  
置之于芥子  
牛迹海亦然  
身心无所娆  
平等而饶益  
如水及火风  
亦如良妙药  
不断亦不常  
如是悉无有  
是为遍计性  
如梦与干城  
火轮云电等  
是为遍计性  
说于种种法  
是为遍计性  
不离于名色  
离名无别义  
我说为世间  
而起三和合  
芽从地种生  
无非众缘起  
此悉依他性  
其义不可舍  
此性名真实

诸法相差别  
若离自性门  
如人以众物  
色相虽不同  
世事悉如是  
妄情之所执  
譬如摩尼宝  
世间亦复然  
体用无所在  
如干闼婆城  
亦非无有因  
世间种种物  
日月及诸山  
体相各差别  
自他及与共  
但是所分别  
诸物非因生  
若有若非有  
名依于相起  
正智及如如  
心如相显现  
意及五心生  
习气无有始  
心因习气生  
依止赖耶识  
心如境界现  
七识阿赖耶  
如是八种识  
一切诸世间  
有计诸众生  
发生种种识  
或有妄计言  
生于梵天等  
世间非作者

已说其自性  
诸法不明了  
幻作种种形  
性皆无决定  
种种皆非实  
遍计无有余  
随色而像现  
但随分别有  
是为遍计性  
非城而似城  
而能如是现  
应知悉亦然  
屋宅烟云等  
未尝有杂乱  
体性皆不成  
遍计之自性  
亦非无有因  
此皆情所执  
二从分别生  
远离于分别  
相为意所依  
犹如海波浪  
境界亦复然  
境令心惑乱  
一切诸种子  
是说为世间  
展转力相生  
不常亦不断  
似有而安布  
我等三和合  
了别于诸境  
作者业因故  
内外诸世间  
业及微尘作

但是阿赖耶  
藏识非缘作  
诸识虽流转  
赖耶体常住  
如轮与水精  
从此生习气  
复增长余识  
如是常轮转  
譬如火烧木  
此木既已烧  
依止赖耶识  
渐除诸有漏  
此是现法乐  
众圣由斯道  
如金在矿中  
智者善陶炼  
藏识亦如是  
三昧净除已  
如酪未攒摇  
是故诸智者  
藏识亦复然  
密严诸定者  
密严是大明  
佛子勤修习  
色及无色界  
于彼常勤修  
此中诸佛子  
住于修行地  
如来所证法  
一切佛世尊  
虽住密严土  
在空而变化

变现似于境  
藏亦不作缘  
无有三和合  
众识与之俱  
亦如星共月  
新新自增长  
余识亦复然  
悟者心方息  
渐次而转移  
复更烧余木  
无漏心亦然  
永息轮回法  
三昧之境界  
普诣十方国  
无有能见金  
其金乃明显  
习气之所缠  
定者常明见  
酥终不可得  
攒酪而得酥  
诸识所缠覆  
勤观乃能得  
妙智之殊称  
常生此国中  
空识非非想  
而来生此处  
威光犹日月  
演说相应旨  
随见而转依  
灌顶授其位  
应物随所宜  
若见或闻法

尔时金刚藏菩萨摩诃萨复告大众。诸仁者。阿赖耶识。从无始来为戏论熏习。诸业所系轮回不已。如海因风起诸识浪。恒生恒灭不断不常。而诸众生不自

觉知。随于自识现众境界。若自了知如火焚薪。即皆息灭入无漏位名为圣人。诸仁者。阿赖耶识变似众境。弥于世间染意攀缘执我我所。诸识于境各各了别。诸仁者。心积集业意亦复然。意识了知种种诸法。五识分别现前境界。如翳目者见似毛轮。于似色心中非色计色。诸仁者。如摩尼宝体性清净。若有置于日月光中。随其所应各雨其物。阿赖耶识亦复如是。是诸如来清净之藏。与习气合变似众色周于世间。若无漏相应即雨一切诸功德法。如乳变异而成于酪乃至酪浆。阿赖耶识亦复如是。变似一切世间众色。如翳目者以翳病故见似毛轮。一切众生亦复如是。以习气翳住藏识眼生诸似色。此所见色譬如阳焰远离有无。皆阿赖耶之所变现。诸仁者。依于眼色有似色识。如幻而生住于眼中。其相飘动如热时焰。诸仁者。一切众色皆阿赖耶。与色习相应变似其相非别有体。同于愚夫妄所分别。诸仁者。一切众生若坐若卧若行若立。惛醉睡眠乃至狂走。莫不皆是阿赖耶识。譬如盛日舒光烛地气蒸飘动。犹如水流渴兽迷惑向之奔走。阿赖耶识亦复如是。体性非色而似色现。分别之人妄生取着。如磁石力令铁转移。虽无有心似有心者。阿赖耶识亦复如是。为生死法之所摄持。往来诸趣非我似我。如水中有物。虽无思觉而随于水流动不住。阿赖耶识亦复如是。虽无分别依身运行。如有二象擒力而鬪。若一被伤退而不复。阿赖耶识应知亦然。断诸染分更不流转。譬如莲花出离淤泥。皎洁清净离诸尘垢。诸天贵人见之珍敬。阿赖耶识亦复如是。出习气泥而得明洁。为诸佛菩萨大人所重。如有妙宝世所希绝。在愚下人边常被污贱。智者得已献之于王。用饰宝冠为王所戴。阿赖耶识亦复如是。是诸如来清净种性。于凡夫位恒被杂染。菩萨证已断诸习气。乃至成佛常所宝持。如美玉在水蠹衣所覆。阿赖耶识亦复如是。在生死海为诸恶习覆而不现。诸仁者。阿赖耶识有能取所取。二种相生如蛇有二头。所乐同往此亦如是。与色相俱世间之人取之为色。或计我我所若有若无。能作世间于世自在。诸仁者。阿赖耶识虽种种变现而性甚深。无智之人不能觉了譬如幻师幻作诸兽。或行或走。相似众生都无定实。阿赖耶识亦复如是。幻作种种世间众生而无实事。凡愚不了妄生取着。起微尘胜性自在丈夫有无等见。诸仁者。意能分别一切世间。是分别见如画中质如云中形。如翳梦者所见之物。如因陀罗弓。如干闼婆城。如谷响音。有阳焰水。如川影树。如池像月。分别之人于阿赖耶如是妄取。若有于此能正观察。知诸世间皆是自心。是分别见即皆转灭。诸仁者。阿赖耶识是意等诸法习气所依。为分别心之所扰浊。若离分别即成无漏。无漏即常犹如虚空。若诸菩萨于阿赖耶而得三昧。则生无漏禅定解脱方便力自在神通。如是等诸功德法。十究竟愿意生之身。转于所依识界常住。同虚空性。不坏不尽。诸仁者。如来普见一切世间无有增

滅。般涅槃者非是坏灭。亦无非众生而今始生。十方国土同一法性。诸佛出世不出世间。一切诸法住于法性不常不断。若解脱者众生界灭即坏如来一切智性。去来今佛所知之法不得平等。又若涅槃众生灭者谁离于苦。有余无余降魔等事皆是妄说。是故当知。诸观行者证于解脱其身常住。离众有蕴灭诸习气。譬如热铁投之冷水。热势虽除而铁不坏。此亦如是。诸仁者。阿赖耶海为戏论麁重所击。五法三性诸识波浪相续而生。所有境界其相飘动。于无义处中似义而现。诸仁者。阿赖耶识行于诸蕴稠林之中意为先导。意识决了色等众境。五识依根了现境界。所取之境莫不皆是阿赖耶识。诸仁者。阿赖耶识与寿命暖触和合而住。意住于此识复住意。所余五识亦住自根。诸仁者。心意及识住于诸蕴。为业所牵流转不息。诸所有业因爱而起。以业受身身复造业。舍此身已更受余身如步屈虫行。心及心法生于诸趣。复更积集稠林之蕴。诸仁者。寿暖及识。若舍于身身无觉知同于木石。诸仁者。藏识是心执我名意。取诸境界说之为识。诸仁者。心能持身意着诸趣。意识遍了五现分别。诸仁者。藏识为因生于诸识。意及意识又从所缘无间而起。五识复待增上缘生。以同时自根为增上故。诸仁者。身如起尸亦如阳焰。随于诸行因缘而转。非是虚妄亦非真实。为爱所牵性空无我。诸仁者。意等诸识与心共生。五识复与意识同生。如是恒时大地俱转。诸仁者。阿赖耶识为爱所熏而得增长。自增长已复增余识如轮不绝。以诸识故众趣得生。于诸趣中识复增长。识与世间更互为因。如河中流前后不断。如芽与种相续而生。各各差别分明显现。识行亦尔。三和合已复更和合。差别而生无有断绝。内外众法因兹而起。一切凡夫不了自心。汝诸佛子应勤观察。尔时众色最勝王等。复向金刚藏菩萨摩诃萨。而作是言。

金刚三昧藏	得无所畏者
善入于密严	能演一切法
佛及诸佛子	三昧正思惟
所见诸法相	微妙最无比
惟愿大智者	为我等宣说
尊者恒安住	摩尼月藏宫
坐于师子座	菩萨众围遶
愿为诸瑜祇	说密严定法
此是月幢佛	为众所开演
彼众当来此	愿说而无倦

尔时月幢世尊。无量分身在于欲色诸天宫殿。有无央数菩萨及诸天等围绕供养。说密严中诸无畏者所修观行实相之法。彼诸菩萨闻说是已。得内证智相应三昧。心不乐于正位之乐不住实际。即于定中互相观察。心各念言其谁已见。证于实相观行之首。云何而得见斯人乎。心生渴仰金然而住。彼诸佛子复更思维。何者是定。云何非定。于何所定孰是其定。所待之缘。作是念已。以三昧力见密严土中菩萨之王。首戴宝冠三十二相以为严饰。彼诸菩萨便从定起着上好衣。从他方无量佛国而来此会。一心瞻仰金刚藏尊。尔时金刚藏菩萨摩诃萨。周顾四方见诸大众。便生觉念将欲说法。熙怡微笑发和雅音。而说偈言。

汝等诸佛子  
定境难可思  
定及于定者  
离诸欲不善  
寂静生喜乐  
如是渐次第  
外道着我者  
一切声闻众  
了知于世间  
蕴处如空宅  
无思无动作  
但有三和合  
外道修定人  
此人迷法相  
若有能修行  
善知蕴无我  
一切唯有识  
无能相所相  
分析至微尘  
地水等众物  
不知其性者  
恶色与好色  
譬如虚空中  
思惟如骨瓊  
及遍处想观

咸应一心听  
非分别所了  
定缘亦复然  
而有于觉观  
是谓入初禅  
四八至于十  
常修此诸定  
辟支佛亦然  
诸法之自相  
此中无有我  
如机关起尸  
本无能作者  
起于定性见  
坏于一切法  
如来微妙定  
诸见悉除灭  
诸法相皆无  
无界亦无蕴  
此皆无所住  
皆从分别生  
取于如是相  
似色余亦然  
云霓等众彩  
遍满于世间  
观于诸大等

身有色无色  
若于缘一心  
如其所分别  
非定非定者  
定者在定中  
法及诸法相  
获于胜定者  
破诸修定人  
若人生小智  
自谓诚谛言  
计着诸法相  
无能相所相  
甜性能除热  
辛物变于冷  
身中有痰热  
或复但因风  
以病各差别  
石蜜并六分  
能除众生身  
若法有自性  
药无除病能  
云何世人见  
定者观世间  
变异而流转  
无能相所相  
亦无支分殊  
世中无能作  
亦非散十方  
非初最微细  
二指或复三  
求那各差别  
非时非胜性  
亦非无有因  
斯由业习气

定者常谛思  
即缘说清净  
即彼成所缘  
妄计以为定  
了世皆藏识  
一切皆除遣  
善说于诸定  
妄智所知法  
取法及于我  
善巧说诸法  
自坏亦坏他  
妄生差别见  
苦醋醍止痰  
醍能已风疾  
共生于疟病  
或三和合起  
良医说众方  
庾沙诸食等  
种种诸疟疾  
及以诸相者  
病者不应差  
服药病除愈  
但是赖耶识  
譬如众幻兽  
蕴与于蕴者  
及以有支分  
而作于世间  
微尘之所聚  
渐次大如指  
诸物转和合  
如是义皆无  
及三法所作  
自然而得有  
扰浊于内心

依心及眼根  
意与于意识  
普现于世间  
瓶等众境界  
非瓶似瓶现  
世间所有色  
皆是阿赖耶  
众生身所有  
顿生或渐次  
习气浊于心  
此性非是有  
如人以诸物  
物体若是空  
譬如须弥量  
惰慢而着空  
空性随应说  
若演于非处  
一切诸众生  
欲令断诸见  
闻空执为实  
此见不可除  
譬如火烧木  
见木若已烧  
生于智慧火  
普烧诸烦恼  
牟尼以此智  
不见以兔角  
曾无石女儿  
未闻欲鬪战  
谁复须宫室  
一切法空性  
始于胎藏时  
离空无有色  
如月与光明

种种妄分别  
及以阿赖耶  
如幻作众物  
悉以心为体  
是故说为空  
诸天宫殿等  
变异而可见  
从头至手足  
无非阿赖耶  
凡愚不能了  
亦复非是空  
击破于瓶等  
即无能所破  
我见未为恶  
此恶过于彼  
不应演非处  
甘露即为毒  
生于种种见  
为说于空理  
不能断诸见  
如病医所舍  
木尽火不留  
空火亦应灭  
诸见得灭时  
一切皆清净  
密严而解脱  
触坏于大山  
执箭射于物  
而求兔角弓  
令石女儿造  
与法常同体  
色生便灭坏  
离色无有空  
始终恒不异

诸法亦如是  
展转无差别  
是身如死尸  
恒为爱绳缚  
佛说于空理  
汝等有智人  
譬如工幻者  
草木等众缘  
依于眼及爱  
如是眼识生  
是识无来处  
诸识性如是  
譬如石女儿  
本来无有体  
师子熊罴类  
何故不分别  
善巧谈论者  
古先诸智人  
惑者妄分别  
斯人无现智  
但随他语转  
若离于分别  
一心正定中  
譬如天宫殿  
依止须弥山  
七识亦如是  
习气之所持  
譬如依大地  
一切诸含情  
藏识亦如是  
譬如孔雀鸟  
雄雌相爱乐  
定者观赖耶  
种子及诸法

空性与之一  
所为皆得成  
本来无自性  
境界所牵动  
为欲断诸见  
宜应一心学  
以诸呪术力  
随意之所作  
作意色与明  
如幻亦如焰  
去亦无处所  
不应着有无  
兔角毛轮等  
妄立于名字  
此皆无有角  
唯言兔角无  
岂不能宣说  
但说兔无角  
如瘡及聋瞽  
不能自证法  
何用分别为  
当生密严土  
普现十方国  
众星及日月  
风力所持运  
依于阿赖耶  
处处恒流转  
发生种种物  
乃至众珍宝  
众识之所依  
毛羽多光色  
鼓舞共欢游  
应知亦如是  
展转相依住

譬如百川流  
川流无有尽  
藏识亦如是  
诸识之习气  
如地有众宝  
给施诸众生  
藏识亦如是  
增长于生死  
善行清净行  
入如来地中  
正住于真际  
如地无分别  
如春众花发  
执持识亦然  
如是诸佛子  
于义不善知  
非法离间语  
诸法别异住  
譬如工幻师  
于无花果处  
如是佛菩萨  
世间别异住  
说种种教门  
决定真实法  
六界与十八  
意绳之所牵  
八识诸界处  
从于意绳转  
佛说此丈夫  
是一切身者

日夜归大海  
海亦不分别  
甚深无有涯  
日夜常归往  
及余种种物  
随其所资用  
与诸分别俱  
转依成正觉  
出过于十地  
十力皆圆满  
常恒不坏灭  
应化无有穷  
人鸟皆欣翫  
定者多迷惑  
无慧离真实  
妄言生决定  
诳惑于众生  
而别起言说  
善用于呪术  
现种种花果  
善巧方便智  
别异而安立  
诱诲无终已  
密严中显现  
十二处丈夫  
众生以流转  
共起而和合  
前身复后身  
随世因流转  
续生无断绝

尔时金刚藏菩萨摩诃萨说诸界处丈夫义已。摩尼宝藏清净宫中已得无畏诸大菩萨皆前顶礼。又有无量佛菩萨众。从诸国土来此会者。同声赞曰。善哉善哉。众中复有无量菩萨诸天及诸天女。皆从座起。合掌而立递相瞻顾。而说偈言。

一切定者中  
今为诸菩萨  
远离于外道  
如仁所宣示  
但是诸界合  
譬如虚空中  
亦如离于木  
空中鸟迹现  
我及诸世间  
鸟飞以羽翰  
仁者说丈夫  
云何于诸有  
而说界丈夫  
受诸苦乐果  
如农夫作业  
此果成熟已  
身者亦复然  
前生后生处  
或常修福德  
解脱及诸度  
生天自在果  
若离趣丈夫  
有丈夫流转  
下从阿鼻狱  
是业必生果  
若内外世间  
此法似于彼  
虽离趣丈夫  
如言石女子  
兔角有铦利

唯仁为上首  
说微妙丈夫  
着我等之论  
六界净丈夫  
随因以流转  
有鸟迹明现  
而火得炽然  
离木而有火  
未曾见是事  
空中无有迹  
与鸟迹相似  
得有轮回义  
常流转生死  
所作业无失  
未嘗不得果  
后果当复生  
住身修善行  
恒受人天乐  
资粮为佛因  
逮成于正觉  
观行见真义  
一切悉无有  
在于生死中  
上至诸天处  
所作不唐捐  
互力而生起  
彼从于此生  
得有轮回者  
威仪而进退  
沙中能出油

尔时会中诸菩萨天及天女说是语已。皆共供养所应供者金刚藏尊并诸菩萨。供养毕已。复共同心。而说偈言。

法眼具无缺  
能伏他人论  
是故大精进  
此会天人等

因喻皆庄严  
显示自宗德  
宜应速开演  
一心皆愿闻

尔时金刚藏菩萨摩诃萨。以偈答曰。

此法深难思  
瑜伽清净理  
密严修定处  
汝等诸天人

分别不能及  
因喻所开敷  
于中我宣说  
咸应一心听

尔时金刚藏菩萨摩诃萨说是语已。复向大树紧那罗王。而说偈言。

大树紧那罗  
诸法云何住  
如是见相应  
如饭一粒熟  
诸法亦复然  
譬如攒酪者  
如是诸法性  
法性非是有  
藏识之所变

汝应知法性  
性空无所有  
于定不迷惑  
余粒即可知  
知一即知彼  
譬之以指端  
可以一观察  
亦复非是空  
藏以空为相

尔时大树紧那罗王。以偈问曰。

云何心量中  
云何生诸界

而有界丈夫  
坚湿及暖动

尔时金刚藏菩萨摩诃萨。闻是语已。偈答之言。

善哉大树王  
欲令修行者  
我今为汝说  
汝昔乘宫殿  
鼓乐从空下  
汝手所鸣琴

汝今作是问  
其心诣真实  
琴师应善听  
并诸眷属俱  
而来诣佛所  
琉璃以为饰

抚奏声和雅  
无量诸声闻  
不能持本志  
时天冠大士  
汝等离欲人  
是时大迦叶  
菩萨有大力  
声闻无定智  
虽离惑分别  
彼舍诸习气  
汝于微细境  
种种世论中  
善于诸地相  
汝在宫殿中  
清净而严好  
能于修观行  
问我界丈夫  
汝及诸佛子  
如其诸界内  
诸界因此生  
津润生于水  
动摇诸作业  
从于色分齐  
境界与诸习  
眼及于色等  
此为生广门

悦动于众心  
在佛所观看  
各自起而舞  
告迦叶等言  
云何而舞戏  
白彼天冠士  
譬如旋岚风  
如黑山摇动  
尚染习气泥  
心净当成佛  
其心已通达  
明了而决定  
及佛清净法  
眷属所围遶  
譬如盛满月  
自在之众中  
云何从心起  
咸应一心听  
心名为丈夫  
是义我当说  
炎盛生于火  
因斯起风界  
有地及虚空  
识生而会聚  
相状各不同  
诸有恒相续

尔时摩尼宝藏自在宫中持进菩萨与无量菩萨俱。从座而起稽首作礼。持诸妙供而以供养金刚藏尊。复张宝网弥覆其上。同声赞曰善哉善哉。而说颂言。

尊者住法云  
能为诸菩萨

善入于佛地  
开示如来境

尔时大树紧那罗王并诸妓女。复持种种妙好供具。以为供养。供养毕已。偈赞之曰。

善哉金刚藏  
为我等开演  
今此摩尼殿  
得无所畏者  
如来微妙法  
清净最吉祥

尔时圣者观自在菩萨。慈氏菩萨。得大势菩萨。文殊师利菩萨。宝髻菩萨。天冠菩萨。总持王菩萨。一切义成菩萨。如是等菩萨摩诃萨。及余无量修观行者皆是佛子有大威德。善能开示观行之心。悉从座起互相观察。向金刚藏菩萨摩诃萨。而说偈言。

惟愿金刚尊  
尊者善地相  
如来常念持  
今此大力众  
瑜伽自在者  
普令诸世<sub>间</sub>  
此法最清净  
化佛诸菩萨  
诸圣现法乐  
自觉智所行  
具足众三昧  
诸自在解脱  
严净佛国土  
佛及诸菩萨  
乃至如毛端  
密严佛国土  
如是观行者  
此皆何所因  
显示于法眼  
一切咸综知  
佛子所宗敬  
同心而劝请  
显示于密严  
得所未曾有  
远离于言说  
经中未开演  
见真无漏界  
清净最无比  
及以陀罗尼  
意生身十种  
不可思议数  
身量如微尘  
百分中之一  
诸土中最胜  
来生于是间  
佛子愿宣说

尔时金刚藏菩萨摩诃萨三十二相八十种好庄严其身。为欲宣示无分别离分别。先佛法眼如师子王。普观众会知其智力堪能听受。即以梵声迦陵伽声广长舌相清美之声。其声决定众所悦可。无有龜犷调柔简畅。键罗摩声。乌扠多声。悉利多声。离沙婆声。般遮摩声。毘岚弭儻度路等声。皆悉具足无量功德而共相应。不令听者其心迷着。善能了达音声之相。一切天人干闼婆等莫不欣乐。金刚藏菩萨摩诃萨口无言说。以本愿力。于其身上眉额顶鼻乃至肩膝。犹如变化自然而出如是之音。为诸大众演说法眼。譬如鹅王群鹅翼从

在沙汀上素洁严好。金刚藏大精进者。住于自在清淨之宫。诸佛子众所共围绕严洁亦尔。如空中朗月光映众星。金刚藏菩萨亦复如是。处师子座映蔽一切。诸修行者如月与光无有差別。佛与金刚藏菩萨。亦复如是等无有异。尔时如实见菩萨摩诃萨住修行地众中上首。从座而起合掌恭敬观诸菩萨。说是偈言。

呜呼大乘法	微妙不思议
如来之境界	佛子应顶礼
无思离垢法	希有甚难遇
一切国土中	诸佛所观察
大乘真实义	清淨无等伦
远离诸分别	转依之妙道
八种识境界	诸自性不同
五法及无我	差别而开示
五种习所缠	生诸恶分别
见此微妙法	清淨如真金
得于清淨者	即住佛种性
如来性微妙	非外道声闻
一切国土中	密严为最上
种性成就已	而来生此国
尊者金刚藏	已得何三昧
所说清淨法	是何三昧境

尔时会中有无量菩萨众。稽首作礼而说偈言。

大智金刚藏	愿为我开演
住何三昧中	而能说是法
此诸佛子等	一切皆愿闻

尔时金刚藏菩萨大无畏者。普观众会智慧之力。为任听受不思议法为不任耶。谛观察已。知诸佛子堪受斯法。即说偈言。

汝等诸佛子	咸应一心听
我今为汝说	转依之妙道
我所得三昧	名大乘威德
菩萨住是中	能演清淨法

亦见拘胝刹  
尘数那由他  
善哉汝所说  
我等诸如来  
于斯得自在  
未曾有一佛  
是故此三昧  
若有诸菩萨  
即住不思议  
证于自智境  
变化百千亿  
内证之妙理  
此法无诸相  
名从于相生  
此二生分别  
于斯善观察  
名为遍计性  
名相二俱遣  
藏识住于身  
习气如山积  
末那有二门  
五境现前转  
犹如有我人  
藏识瀑流水  
种种识浪生  
佛及诸菩萨  
已得成如来  
分析于诸蕴  
不知无有法  
菩萨善能观  
观已即便舍  
若住于真际  
功业悉不成  
希有难思智

所有诸如来  
在前而赞叹  
此是瑜伽道  
皆行此三昧  
清净成正觉  
非此三昧生  
思惟不能及  
住是三昧中  
诸佛之境界  
及见于诸佛  
乃至如微尘  
诸佛所安住  
远离于声色  
相从因缘起  
诸法性如如  
是名为正智  
相是依他起  
是为第一义  
随处而流转  
染意之所缠  
意识同时起  
诸识身和合  
住在于身内  
境界风所飘  
相续恒无断  
能知法无我  
复为人宣说  
见人无我性  
是说为声闻  
人法二无我  
不住于真际  
便舍大悲心  
不得成正觉  
普利诸群生

如莲出淤泥  
诸天圣人等  
如是佛菩萨  
成佛体清净  
从初菩萨位  
天主阿修罗  
了悟大乘者  
渐次而修行  
是故诸佛子  
世间诸众生  
皆依于藏识  
此因胜无比  
非与于能作  
世尊说此识  
了知解脱已  
赖耶有可得  
如来清净藏  
常住无始终  
佛说如来藏  
恶慧不能知  
如来清净藏  
如金与指环  
譬如巧金师  
造作指严具  
其相异众物  
现乐诸圣人  
功德转增胜  
现法诸定者  
得第七地已  
心识之所行  
所见虽差别  
瓶衣等众物  
心变似境生  
譬如星月等

色相甚严洁  
见之生爱敬  
出于生死泥  
诸天所欣仰  
或作转轮王  
干闼婆王等  
获于如是身  
决定得成佛  
宜应一心学  
染净等诸法  
为因而得生  
证实者宣示  
自在等相似  
为除诸习气  
此亦无所得  
解脱非是常  
亦名无垢智  
离四句言说  
以为阿赖耶  
藏即赖耶识  
世间阿赖耶  
展转无差别  
以净好真金  
欲以庄严指  
说名为指环  
证于自智境  
自共无能说  
了境唯是识  
转灭不复生  
一切诸境界  
但识无有境  
境界悉皆无  
谓能取所取  
依须弥运行

诸识亦复然  
当知赖耶识  
譬如好真金  
自证清净境  
性与分别离  
体实而是常  
意识所行境  
圣见悉清净

恒依赖耶转  
即名为密严  
光色常充满  
非分别境界  
不可得分别  
定者能观见  
但缚于凡夫  
譬如阳焰等

尔时世尊说是经已。金刚藏等无量菩萨摩诃萨。及从他方来此会者无央数众。闻佛所说皆大欢喜信受奉行。

## 大乘密严经卷下

---

【经文信息】大正藏第 16 册 No. 0681 大乘密严经

【版本记录】CBETA 电子佛典 Rev. 1.12 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，维习安大德提供之高丽藏 CD 经文，北美某大德提供

【其他事项】本数据库可自由免费流通，详细内容请参阅 [【中华电子佛典协会数据库版权宣告】](#)

---